



XUNTA
DE GALICIA

CONSERVATORIO PROFESIONAL
DE MÚSICA DE SANTIAGO
DE COMPOSTELA



CONVOCATORIA DE MOBILIDADES ERASMUS+ PARA PROFESORADO DO CMUS PROFESIONAL DE SANTIAGO DE COMPOSTELA DESTINADAS A APRENDIZAXE POR OBSERVACIÓN EN CENTROS EUROPEOS.

1. Obxecto da convocatoria:

Convócanse oito (8) prazas de mobilidade Erasmus+ para o profesorado do CMUS Profesional de Santiago de Compostela destinadas a actividades de aprendizaxe por observación (*job shadowing*) en centros europeos.

2. Contexto:

A presente convocatoria responde á execución do proxecto Erasmus+ *Camiñando coa música: terceira etapa*, activo no Conservatorio Profesional de Música de Santiago de Compostela entre o 1 de setembro de 2025 e o 31 de agosto de 2026. Trátase dun proxecto de curta duración KA122-VET, con código 2025-1-ES01-KA122-VET-000340908.

3. Obxectivos:

Os obxectivos do proxecto Erasmus+ especificado no apartado anterior son os seguintes:

- O1: Impulsar a motivación do alumnado, promovendo actividades internacionais no centro ou a mobilidade a centros asociados, para que o alumnado continúe a ser protagonista do proxecto.
- O2: Seguir potenciando a motivación do profesorado e acadar a implicación dun maior número de docentes no proxecto mediante a escoita de demandas e a adquisición de novos socios.
- O3: Ampliar a nosa rede de socios realizando visitas preparatorias, contactando con novos centros e invitando a expertos, para abrir novas fiestras de oportunidades.
- O4: Incentivar, visibilizar e difundir a importancia da música de cámara entre o alumnado do noso centro, mediante a realización de actividades directamente relacionadas con ela.
- O5: Acadar un centro máis internacional, onde a visita de docentes europeos, a aprendizaxe dos nosos docentes en Europa e a mobilidade de alumnado fora das nosas fronteiras sexa unha realidade cotiá.

A presente convocatoria incide especialmente na consecución dos obxectivos xerais O2, O3 e O5.

4. Mobilidades:

4.1. Destinos: as oito mobilidades convocadas distribúense nos seguintes países de acollida: Austria (2 mobilidades), Estonia (2 mobilidades), Noruega (2 mobilidades), Portugal (2 mobilidades). Estes destinos son susceptibles de modificación en función da dispoñibilidade ou aceptación das visitas por parte dos centros de acollida.

4.2. Duración: as mobilidades terán unha duración total de 7 días, divididos en 5 días lectivos e 2 días de viaxe. Os 7 días de duración das mobilidades non se poden fraccionar.

4.3. Período de realización: Todas as mobilidades deberán realizarse antes do 31 de agosto de 2026. As datas exactas de realización de cada mobilidade serán acordadas entre o/a participante, a organización de acollida e a xefatura de estudos do CMUS Profesional de Santiago.

4.4. Subvención: comprende unha partida de apoio a gastos de viaxe e outra partida de apoio individual. A partida de gastos de viaxe depende da distancia ao centro de destino. A partida de apoio individual depende do país de destino e do número de días totais en mobilidade. Achégase máis información no Anexo IV desta convocatoria.

4.5. Pagamento da subvención: farase efectiva en dous prazos. O primeiro prazo cubrirá o 80% da bolsa e será pagado antes da realización da mobilidade. O segundo prazo cubrirá o 20% restante e será pagado unha vez o/a participante remate a mobilidade, faga entrega da correspondente memoria e cumprimente a enquisa *EU Survey* nun prazo de 30 días naturais a contar dende a recepción da enquisa no correo electrónico.

5. Presentación de solicitudes:

5.1. Prazos:

- Recepción de solicitudes: aberta dende o 20 de novembro ata o 27 de novembro de 2025, ambos días incluídos.

- Listaxe provisional de candidaturas: publicarase o venres 28 de novembro de 2025. Abrirase entón un período de corrección de erros ata o mércores 3 de decembro (incluído).
- Listaxe definitiva de candidaturas: publicarase o xoves 4 de decembro de 2025.
- Resolución provisional de candidaturas seleccionadas: publicarase o venres 12 de decembro de 2025. Abrirase entón un período de reclamacións ata o mércores 17 de decembro (incluído).
- Resolución definitiva de candidaturas seleccionadas: publicarase o venres 19 de decembro de 2025.

5.2. Forma: as solicitudes deberanse presentar por correo electrónico, enviando a documentación sinalada no apartado 8 da presente convocatoria á seguinte dirección:

erasmus@conservatoriosantiago.gal

Soamente en casos debidamente xustificados poderá presentarse a documentación en formato físico na secretaría do centro.

6. Proceso de selección de participantes:

6.1. Forma: o proceso de selección do profesorado participante nas mobilidades será un concurso de méritos e unha carta de motivación. A folla de baremación pode consultarse no Anexo II desta convocatoria. O concurso de méritos terá unha puntuación máxima de 8 puntos e a carta de motivación unha puntuación máxima de 5 puntos. Ambas puntuacións sumaranse sen ponderación, polo que cada aspirante poderá acadar unha puntuación máxima de 13 puntos. O profesorado que nunca participou nunha mobilidade de aprendizaxe por

observación terá prioridade sobre o que xa participou nestas mobilidades no pasado, independentemente da puntuación final obtida. No apartado F (Carta de motivación) será requisito obter unha puntuación mínima de 2,5 para poder optar ás mobilidades. No caso de darse un empate, o criterio de desempate será ter maior puntuación nos seguintes apartados (por orde de valoración): E, F, B.

6.2. Órgano seleccionador: existirán dous tribunais. Por unha banda, un tribunal de valoración das cartas de motivación recibidas, formado por catro docentes do conservatorio seleccionados por azar entre o conxunto do claustro e un/a presidente/a do tribunal designado polo equipo directivo. Cada integrante deste tribunal avaliará individualmente as cartas. A cualificación final será a media aritmética das cualificacións individuais, eliminándose a cualificación máis alta e a máis baixa no caso de que estas difiran en máis de 1,5 puntos. O profesorado aspirante a participar nas mobilidades non poderá formar parte deste tribunal. Unha vez avaliadas as cartas de motivación, un segundo equipo de selección será o encargado de realizar a baremación de méritos, sumar as puntuacións e levantar acta da resolución provisional. Este segundo equipo estará formado polos membros do equipo Erasmus+ e un docente máis escollido ao azar entre o profesorado do CMUS Profesional de Santiago.

6.3. Apoio á inclusión de profesorado con menos oportunidades: as seguintes casuísticas están recollidas na estratexia de inclusión e diversidade do SEPIE (Servicio Español Para la Internacionalización de la Educación):

- ID1: persoal con discapacidade.
- ID2: persoal con dificultades de aprendizaxe.
- ID3: persoal con problemas de saúde.
- ID4: persoal pertencente a minorías étnicas.

- ID5: persoal en risco de discriminación por razóns de xénero, idade, orientación sexual, relixión, crenzas ou discapacidade.

6.4. Resultados definitivos e escolla de destinos: a resolución do proceso de selección ordenará aos aspirantes segundo os seguintes criterios:

- Historial de participación: o profesorado que nunca participou nestas mobilidades terá prioridade sobre o que xa participou en mobilidades de aprendizaxe por observación anteriores.
- Orde de puntuación: de maior a menor.

As posicións do 1 ao 8 darán acceso directo ás mobilidades. A quenda de agarda comeza a partir da posición 9. O profesorado escollerá destino de mobilidade por orde de puntuación.

7. Requisitos de participación:

R1. Ser profesor/a titular en activo do CMUS Profesional de Santiago de Compostela durante o curso 2025/2026.

R2. Presentar os documentos sinalados como D1 e D3 no apartado 8 da convocatoria.

8. Documentación requirida para participar no proceso de selección:

D1. Modelo de solicitude cumprimentado e asinado (Anexo I).

D2. No caso de alegar méritos no apartado C da folla de baremación de méritos, copia escaneada do(s) título(s) que certifiquen o nivel de idiomas alegado.

D3. Carta de motivación, cunha extensión mínima de 3000 caracteres e máxima de 5000 caracteres. Pódese consultar a rúbrica de avaliación desta carta no Anexo III desta convocatoria.

D4. Documentación xustificativa de pertenza ao colectivo de profesorado con menos oportunidades:

- ID1: certificado de discapacidade igual ou superior ao 33% ou certificado de ter aberto un proceso de recoñecemento de discapacidade igual ou superior ao 33%.
- ID2: informe preceptivo dunha autoridade competente.
- ID3: informe médico expedido polo centro de saúde ou autoridade sanitaria competente, que xustifique a necesidade dun apoio adicional por motivos de saúde.
- ID4: certificado de pertenza a unha minoría étnica, expedido polos Servizos Sociais e/ou resolución da condición de refuxiado.
- ID5: certificado da administración competente.

Os documentos D1 e D3 son necesarios para participar no proceso selectivo e a súa falta causará a eliminación do/a candidato/a de dito proceso. Os documentos sinalados como D2 e D4, no caso de non ser entregados, causarán a cualificación de cero puntos no apartado correspondente do baremo.

Toda a documentación, exceptuando D4, deberá ser enviada por medios electrónicos, atendendo deste xeito ao principio básico de sustentabilidade e responsabilidade medioambiental do programa Erasmus+. A documentación deberá ser enviada por correo electrónico á dirección erasmus@conservatoriosantiago.gal. En casos debidamente xustificadas, o equipo Erasmus+ autorizará a presentación de documentación en formato físico na secretaría do CMUS Profesional de Santiago. A documentación correspondente ao apartado D4 deberá ser entregada na secretaría do centro.

9. Compromisos que adquiere o profesorado seleccionado:

Os docentes que resulten seleccionados comprométense a realizar as seguintes accións:

- Crear unha conta virtual Europass.
- Asinar a autorización para diseminación de imaxes por parte do CMUS Profesional de Santiago de Compostela.
- Participar nas xornadas de formación previas á mobilidade organizadas polo equipo Erasmus+ do CMUS Profesional de Santiago de Compostela.
- Colaborar na elaboración do acordo de aprendizaxe correspondente á súa mobilidade e asinalo unha vez completado. O acordo de aprendizaxe debe estar asinado polo profesorado participante antes dos 10 días naturais previos ao inicio da mobilidade.
- Asinar o acordo de subvención correspondente á súa mobilidade. O acordo de subvención debe estar asinado antes dos 10 días naturais previos ao inicio da mobilidade.
- Realizar a mobilidade.
- Durante a realización da mobilidade, asistir ás aulas acordadas co centro de acollida e tomar todas as medidas necesarias, en colaboración coa persoa titora, para acadar os obxectivos recollidos no acordo de aprendizaxe.
- Producir material audiovisual (fotografías, vídeos) das aulas observadas e doutros eventos relacionados cos obxectivos da súa mobilidade en particular e do programa Erasmus+ en xeral.
- Cubrir a enquisa *EU Survey* que a/o participante recibirá unha vez completada a súa mobilidade, nun prazo de 30 días contados a partir da recepción da enquisa

no correo electrónico. Esta acción é requisito indispensable para percibir o 20% da bolsa pendente de cobro unha vez rematada a mobilidade.

- Elaborar unha memoria da actividade realizada. O formato desta memoria será libre, puidendo consistir nun documento escrito, unha presentación de diapositivas, un vídeo explicativo, etc. Esta memoria poderá ser utilizada polo equipo Erasmus+ para a difusión do proxecto.
- Participar nas xornadas de difusión posteriores á mobilidade organizadas polo equipo Erasmus+ do CMUS Profesional de Santiago de Compostela.

10. Recoñecemento da mobilidade:

O profesorado participante nas mobilidades recibirá os seguintes documentos que recoñecen oficialmente a actividade realizada:

C1. Certificado de estadía no centro de destino, expedido polo devandito centro.

C2. Certificado de mobilidade Europass. A expedición deste certificado será levada a cabo polo CMUS Profesional de Santiago de Compostela.

C3. Recoñecemento como horas de formación do profesorado, prevista na resolución do 23 de agosto de 2016 da Dirección Xeral de Educación, Formación Profesional e Innovación Educativa. Recoñécense 5 horas de formación por cada día de mobilidade de observación, ata un máximo de 100 horas.

11. Disposicións finais:

11.1. A participación neste proceso selectivo supón automaticamente a aceptación das súas bases.

11.2. Toda a información relacionada con esta convocatoria estará dispoñible na sección *Erasmus+* da páxina web do CMUS Profesional de Santiago de Compostela.

11.3. Todas as resolucións da presente convocatoria publicaranse na sección *Erasmus+* da páxina web do CMUS Profesional de Santiago de Compostela.

11.4. Calquera casuística non contemplada nestas bases será resolta polo equipo Erasmus+ en colaboración co equipo directivo.

En Santiago de Compostela, a 17 de novembro de 2025